

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. **Aalisartut piniartullu sumiiffinni aalisarfiuallaanngitsuni juulli sioqqullugu aningaasarsiorsinnaajunnaarsimasunut ikiorsiissutissanik Naalakkersuisut qanoq tigussaasunik iliuuseqapallanniarpat?**
2. **Aalisartut pissutsit namminneq aqussinnaanngisatik pissutigalugit – ilaatigut umiatsiat pisoqaanerusut uuttortaarnissaat, CVR imaluunniit normunik serielinngitsunik ajornartorsiuteqarneq pissutigalugu aalisartut ukiup nikinnerani akuersisummik annaasaqannginnissaat Naalakkersuisut qulakkeerniarpat?**
3. **Naalakkersuisut teknikkikkut allaffissornermillu ajornartorsiutit aaqqinneqarnissaata tungaanut aalisartut inuussutissarsiutiminnik ingerlatitseqqissinnaaqqullugit immikkut akuersissuteqarniarpat imaluunniit akuersisummik atuutsitsinerat sivitsorniarpat?**

(Inatsisartunut ilaasortaq Jens NapātôK', Naleraq)

Tunngavilersuutit:

Umiatsiaararsortorpassuit piniartorpassuillu, ingammik Upernaviup eqqaaniittut, qaammatini makkunani aalisarnertik annikilleriartulersimavaat juullilerneranilu aningaasatigut ajornartorsiungaalertarlutik.

Aammattaaq aalisartut amerlasuut ukiup nikinnerani akuersisummik annaasaqarsinnaanerat nalornissutigineqaqaaq, taakkumi uuttortaanermut allagartamik CVR-imilu nalunaarsorneqarnissamut qinnuteqaatinik nassiussisinnaasimanngimmata. Tamatumunnga pissutaasut ilagaat teknikkikkut ajornartorsiutit, attaveqaateqannginneq umiatsiallu pisoqqat normulersorneqarsimanngitsut

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.